



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



The image shows the front cover of a book. The cover is decorated with a traditional marbled paper pattern, often called 'stone' or 'shell' marbling, featuring irregular, organic shapes in shades of green, blue, and cream, all set against a dark red or maroon background. The spine of the book is visible on the left side, bound in a dark, textured material, possibly leather or cloth. In the bottom-left corner of the cover, there is a small, rectangular, cream-colored label with a thin black border. The label contains handwritten text in blue ink, which appears to be 'Ltn' on the top line and '2203' on the bottom line, separated by a horizontal line. There is a small red checkmark to the left of the number '2203'.

Ltn


2203



1999

LIBRARY

UNIVERSITY OF TORONTO



Գրական Ուղևոր


# ՀՈՒԳՈՆԻ ՓՈՍԿՈՒԵԱՅ

ՅԱՂԱԳՍ

## Գ Ե Ր Ե Ջ Մ Ա Ն Ա Յ

Տ Ա Ղ

ԹԱՐԳՄԱՆԵԱԼ Ի Հ. Ա. Կ. ԲԱԳՐԱՏՈՒՆԻՈՅՆ



Ի ՎԵՆԵՏԻԿ

Ի ՎԱՆՍ ՍՐԲՈՅՆ ԳԱԶԱՐՈՒ

1864

02-2009

1551. 1551

ՈԳԻՈՑ ՎԱԽՃԱՆԵԼՈՑՆ  
ԻՐԱԽՈՒՆՔ ՍՈՒՐԲ ԼԻՆԻՑԻՆ

Օրենք ժի տախտակացն:

ՀՏ 9207

4 9203-60



## Գ Ի Տ Ե Լ Ի Փ

**Այս** Հուկոնի Փոսկոլէայ 'ի վերայ Գերեզմանաց Տաղ՝ մի է՛ի չքնաղ և հրաշակերտ սքանչելեաց Իտալական քերթուածեան դարուցս, անցելոյն և այժմուս, անուանի առ ամենայն իտալադէտս, վասն ճշմարիտ Պինդարական խմաստիցն և ոճոյն, և առ այլս՝ Թարգմանութեամբ:

Այնչափ է գեղեցկութիւն սորա, մինչև հմտից ոմանց զգաստից Իտալացւոց անաչառ խոստովան լինել՝ Թէ յառաջ քան զայս և ոչ գրեթէ մի քնարական երգ էր նոցա այդմ՝ անուան արժանի, Թէսկէտ և սա գիւցաղնական չափովք է յօրինեալ, և ոչ բուն քնարականօք:

Քաղցր է և մեզ յիշատակել, և խնդամք ընդ Ազգիս, զի և 'ի նմա գտան բանիբունք յերիտասարդ Մուսայայսիրաց Վարժարանացս, որոց ծանուցեալ զյարգ և զհամ՝ Տաղիս, ստիպեցին զմեզ

բանիւ և գրով՝ տալ զսա նոցա և այլոց ընթեռնուէ հայերէն . ոչ  
լինչ երկմտեալ՝ թէ դուցէ հայն կորուսանիցէ զչնորհան և զվսեմու  
թիւնն : Թերևս և օգուտ ևս նկատեալ նոցա ՚ի սմին քաղաքացն  
այնոցիկ՝ առ որս գերեզմանական բարեպարիշտ գթասիրութիւն  
ապախտ անկեալ կայ ՚ի խառնիխուռն անձանօթ և անյայտ թաղման  
սիրելեաց և յարգաւորաց :

Ելլին զհետ սորա և նախանձաւորք ոմանք ՚ի նմանօրինակ տաղս,  
այլ ոչ որ տակաւին եհաս սմա : Են քերթօղիս և սուղ ինչ տեղե-  
կութիւնք ՚ի զերայ սորա՝ հմտականք և բաւականք առ իւրսն , այլ  
ոչ առ մեզ . յորոց ընարեալ մեր զկարևորսն , զթերին լցուցաք՝ ՚ի  
մերոցն բաւականութիւն :

# ՀՈՒԳՈՆԻ ՓՈՍԿՈՂԵԱՅ

## ՅԱՂԱԳՍ

### Գ Ե Ր Ե Զ Մ Ա Ն Ա Յ

## Տ Ա Ղ

### ԱՌ ՀԻՊՊՈՂԻՏՈՍ ՊԻՆԴԵՄՈՆՏ

Ընդ նոճեաց հովանեաւ եւ 'ի տապան սփոփեալ յարտօսր  
Եթէ քուն մահուն իցէ ինչ երբեք խուն մի հեշտագոյն :  
Յորժամ ոչ եւս արեգակն ինձ ընդ երկիր բըղնեցուացէ  
Զդաւարւոյ եւ զկենդանեաց չքնաղ տոհմի զարմ եւ սերունդ ,  
Եւ չսարկցեն զառաջեօքս հանդերձեալ ժամք գեղեցկայոյսք , 5  
Եւ ոչ , քննցրր Սիրելի , այլ եւս ըզտաղան 'ի քէն լըւայց  
Եւ զնոցին յօրինիչ ըզտրրամագին երգոց նըւագս ,  
Եւ ոչ 'ի սըրտիս իմում Ոգին բարբառիցի  
Կոյս Մուսայից եւ Սիրոյ , նըչդէհ կենացս ոգի միայն ,  
Զի՛նչ աւուրց կորուսեոց լիցի արձան մի մըխիթար՝ 10  
Զիմն յանթիւ մեկնեւ սակերց , զոր մահ ջընդէ 'նդ ծով , ընդ ցամաք :  
Արդարեւ , Պինդեմոնտ , Յոյան իսկ յետին աստուածուհի  
Խուսէ 'ի շիրմաց , եւ զամենայն ինչ յիւր գիշեր  
Պատէ մուսայութիւն . եւ զօրութիւն իմն ազգեցօղ  
Շարժմանէ 'ի շարժումն տաղնապէ զամենեսին , 15  
Եւ ըզմարդ եւ զիւր զամբանս եւ ըզյետին գիմաց նըչմարս  
Եւ զնըչնարս երկրի ուերկնից այլակերպէ ժամանակ :

Իսկ հիմա՛ յանձնէն տարածամ՝ յաչաղիցէ մահականացուն  
 Ըզպատիրան որ ՚ի դժոխոց կասէ զնա սեամն եւ յեա մահու :  
 Միթէ չիցէ կենդանի եւ ՚ի ստորին սանդարամեսս 20  
 Ի ըսեւ ՚ի նմանէ գեղայօրէն նուագաց աւուրն ,  
 Յիւրոցն ՚ի սիրտ թէ ծնանել զօրէ զնոսին քաղցրր խնամովք :  
 Երկնաւոր է սիրային այս խորհրդոց մրտերմուծիւն ,  
 Պարգեւ է երկնաւոր յազգի մարդկան , եւ նովաւ կեամք  
 Յաճախադոյն ընդ գնացեալ սիրեցելում , գնացեալն ընդ մեզ , 25  
 Թէ երկիրն , որ զնա մանուկ ընկալեալ նախ եւ մնուցանէր ,  
 Վէրջին ապաստան ՚ի մայրենին մատուցեալ ծոյ՝  
 Սուրբ ըզնըչխարան առնիցէ ՚ի թօնընկէց թընամանաց  
 Ուրխառնի ուսմին ռախց , եւ սրահեսցէ վէմ մի դանունն ,  
 Եւ գըրգեսցէ տունկ ծաղկահատ սիրուն՝ զաճիւնն հեշտ հովանեաւ : 50

Որ սիրոյ չթողու ժառանգ՝ նա եւեթ ոչ բերկրի շիրմէն ,  
 Եւ ըզկնի յուղարկելոյն՝ թէ հայիցի , յակն անկանի  
 Ոգին իւր մոլորեալ յԱխերոնեան կայէնից կոծ ,  
 Կամ ՚ի մեծ թեւս ապաստան ներողութեանն աստուածայնոյ .  
 Իսկ ըզփոյնն ընկենու յեղինս հոլոյն ամայութեան , 55  
 Ուր ոչ կին սիրայորդոր գըթովք աղօթըս մատուցէ ,  
 Ոչ անցորդ ճանապարհի միայնընթաց լըւիցէ բնաւ  
 Զհեծուծիւն զոր առաքէ ՚ի դամբանէն առ մեզ Բնուծիւն :

Այլ նոր օրէնք հրամայեն այսօր արտաքս ըզգերեզմանս  
 Յաչաց գըթաւիրաց , եւ դմեռելոցն անուն խանդան : 40  
 Եւ առանց շիրմի անկեալ կայ սլաշտօնեայն քո , Թախա ,  
 Որ ՚ի յարկ իւր աղքատին քեզ երգելով , յաւերժ սիրով  
 Սարդի մի սընոց , պըսակս եւ քեզ կախէր պըսակս ,  
 Եւ ՚ի քո ժըմիտ գու զարդարէիր զերգըս նորուն՝  
 Որ շիթեալ կըծանէին զլանգուարտացին Սարգանաբալ՝ , 45  
 Որում քաղցր է արջառոց եւեթ բընչուսն եւ զուարակաց  
 Որք յԱզգուական քարայրից եւ ՚ի յուղնիցըն Տիկինեայ  
 Ի հանգիստ եւ ՚ի խորտիկս առնեն ըզնա երանելի :  
 Ո՛վ Մուսա գեղեցիկ , ո՛ւր իցես գու , չառնում ըզբոյր  
 Շընչոյդ անմահութեան՝ նըշանակի աստուածութեանդ՝ 50  
 Ի միջի աստ տընկոցս՝ ուր կամ նըստեալ եւ հառաչում  
 Աւ յարկն իմ մայրենի : Եւ գու գայիր եւ ժըմտէիր  
 Աւ նա ՚ի ներքոյ թըմբւոյդ , որ արգ ըզվարսան արկեալ՝  
 Մընչէ , ո՛վ Դիցանոյշ , զի չըպրովէ զշիրմ՝ ծերոյն՝  
 Ում երբեմն հանգարտութեան եւ հովանոյ էր օժանդակ : 55  
 Դու թերեւս ՚ի խաժամուժ գուհիկ դամբանս յածելով շուրջ  
 Կըկատես՝ ո՛ւր նընջիցէ նուիրական գըուխ քոյդ Պարինեայ :

Ոչ նրմա՛ յիւր պարըսպին՝ եղ ինչ քաղաքըն հովանի ,  
 Պահշտեալըն հրապուրող անարական երգահանից ,  
 Ոչ արձան , ոչ մի բան • եւ ո՞ գիտէ իսկ լծէ լծերեւս 60  
 Շաղախէ յարիւն զոսկերսն իւր աւազակըն կառափնատ ,  
 Որ 'ի խեղդ կախաղանին ըզմեղանացն եթող ոճիրս :  
 Լքեսս 'ի քարակոյտըս անդ գերբկաց եւ 'ի կոճեղս  
 Զի սկունդն ընդ վայր անդ հարեալ փորէ լծալծիւք իւրովք զերկիր  
 Թափառական ընդ խոռոչս եւ ոռնաձայն սովալըլուկ , 65  
 Եւ գյոպոպ 'ի կառափնէն՝ ուր 'ի լուանոյ խոյս տայր , ելեալ  
 Սաւառնեալ ըզցան եւ ցիր խաչիւք դաշտին մահաբերի ,  
 Եւ արխուր հեկեկանօք սիլոճ ամբաստան ըզնըռուլից՝  
 Որովք կան բարերարեն առ մոռացեալ շիրխն աստեղք :  
 Զուր , Դիցանոյր , խընդրես ցող 'ի մուծ ցայգոյդ քում՝ քերթողին • 70  
 Ո՛հ , 'ի վերայ մեռելոց՝ ծաղկան ինչ ոչ յառնէ փրթիթ ,  
 Թէ մարդկան չիցէ գովիւք եւ արտասուօք սիրոյ պատուեալ :

Յայնմ՝ օրէ՛ յոր հարսանիք եւ գատաստանք եւ սեղանք սուրբ  
 Մարդիկեղէն երէոց ետուն ընել գորովագութ  
 Առ անձինս եւ առ այլըս , կենդանիք զողորմ՝ մնացորդս 75  
 Որ բնուծիւն մըշտանորոգ յայլ իմն ազգումըն հրաւիրէ ,  
 Յապականիչ ժանտ օդոյն ու՛ի գազանացըն կորզէին :  
 Դամբարանք երաշխաւորք էին վկայաց , որդոց՝ բաղինք ,  
 Եւ անդուստ առաքինն Ուրուականացն հընէր պատգամք ,  
 Եւ երգումն 'ի վերայ փոշոյ հաւուցն՝ էր ահաւոր • 80  
 Կրօնք զոր պէսպէս օրինօք առաքելնի հարցըն հանդէպ՝  
 Ընդ նոսին եւ գորով՝ ընթացուցին ընդ ամս յամայր :  
 Ոչ միշտ վէմ՝ դամբանական էր մեհենից սաւայատակ ,  
 Եւ ոչ խոռնկ 'ի նեխ գիոց պատեալ պըղծեաց զալօթաւորս ,  
 Եւ ոչ քաղաքք արխրազգած եղեն 'ի կմախրս պատկերեալս : 85  
 Զարհուրեալք ընդստ 'ի քնոյ կարկառեն մարք մերկ ըզբազուկս  
 Ի վերայ սիրեցելոյ գըլտոյ իւրեանց ըստընդէին ,  
 Զի մի յերկարաձիգ դարթուացէ քուք մեռեալ հոգւոյ  
 Որ հայցիցէ 'ի ժառանգացն ըզըրբուծեան վարձուոր ալօթս :  
 Այլ՝ նոճք եւ եղեւինք ըզսկբս 'ի սուրբ զանգեալ շոգի՛ 90  
 Անթարշամ սրփուէին դալարուծիւն ըզգամբանօք՝  
 Յիշատակ յաւերժական , եւ մեծագին շիջք կօշարայք  
 Զարտասուսըն ժողովեալ ուխտանըւերս ամփոփէին :  
 Թափէին սիրելիք կայծակըն մի յարեգակնէ  
 Տանել լոյս ծագել 'ի մալլ անդընդախոր գիշերայնոյն • 95  
 Զի մարդոյս աչք 'ի մահու խընդրեն զարեւ արեգական ,  
 Եւ բնաւ լանթք գլետին լծառանն առ փախրատեայ նըշոյն հաննն :  
 Աղբերք 'ի գնացըս վըտակաց սըրբուծեան ջուրոց՝ բողբոջէին

Անթառամ՝ ծաղկունս 'ի հոյլ մահուն եւ հոյլ հոյլ մանկչակ,  
 Եւ որ նըստէր կաթն հեղուլ նըւէր՝ եւ զվիշտըս իւր պատմել 400  
 Սիրեւեաց հրաժարեւոց, բուրումն առնոյր անուշութեան  
 Շուրջ զիւրեւ՝ իւր յՆիխեան երանաւէտ մարգաց սրղոխս :  
 Մորութիւն գորովասէր, որ զգրախա շիրմացն արուարձանեաց  
 Կուսիցն բրիտանեանց ըզձահերտիկ կացուցանէ,  
 Ուր մօր կորուսեւ լինի նոցին սէր առաջնորդ,  
 405  
 Ուր զգարձին չըշտակս 'ի գութ աղերսեցին Առաքինւոյն՝  
 Որ զնաւին մատնեւ 'ի պարտութիւն ըզմեծ շոճին  
 Հար ընկէց, եւ փորեաց առ 'ի նմանէն իւրեան դադաղս :  
 Իսկ ուր նընջէ անուանի արիական գործոց աւիւն,  
 Եւ կենաց քաղաքայնոյ՝ ինչք եւ գողումն են սպասաւորք,  
 410  
 Անդ յառնեն մահարձանք եւ կըձեայարկք դամբարանաց,  
 Պերձանք սընալատակ եւ զըժոխոց սօնուտ գրօշեալք :  
 Աւանիկ զիտունն եւ ճօխ եւ յոգնախումբն ազատագունդ,  
 Պարծանք աղնիւ Խտալական արքայութեանն եւ միտք չըքնալ,  
 Կայ թաղեալ կենդանւոյն 'ի փաղաքէալ անդ արբունիս,  
 415  
 Եւ զըրուատիս մի եւեթ ունի զնըշանս ազգատոճմին :  
 Մեզ մահ՝ հանդըստոց յօրինեսցէ խաղաղուէտ՝  
 Ուր բախան 'ի վրիժուցն միանգամ դադարեսցէ,  
 Եւ կալցի սէր մըտերիմ՝ ոչ թէ դանձից ժառանգութիւն,  
 Այլ մըրմունջըս ջերմագութ, եւ պատճենիկ ազատ տաղից : 420

Շիրիմք քաջազանց՝ զարի ոգին, ով Պինդեմնտ,  
 Առ մեծամեծըս վառեն, եւ գեղեցիկ եւ սրբբանուէր  
 Ընծայեն պանդրխտին զասպընջականն իւրեանց զերկիր :  
 Իմ զգամբան տեսեալ երբեմն՝ յորում՝ դընի մարմին Մեծին  
 Որ կալեալ 'ի չափու զթագաւորացն դաւազան,  
 425  
 Եւ զնորուն տերեւնիկց փետեալ սարդիս, 'ի վեր հանէ  
 Որսիսի արտասուս եւ որսիսի ծորէ արիւն .  
 Եւ զտապանն այնորիկ՝ որ նորակերտ իմն Ոլիմպոս  
 Կառուցեալ կանգնեցոյց 'ի հռով՝ դասուցն երկնաւորաց,  
 Եւ զջր ետենն ընդ արփին վրանաւ յուր աշխարհս 'ի ճախր 450  
 Եւ անշարժ զարեգակն առ 'ի նոսա ճառագայթեալ,  
 Որով նախ ըղիամարացն երկնից հորդեաց ըզձանապարհս  
 Անգլիացւոյն՝ որ ահագինս անդրըս պարզեաց սաւառնաթեւս .  
 Երանի՛ քեզ, դոճեցի, առ կենաշունչ անոյշ օդոցդ,  
 Եւ լուսեաց զոր 'ի սնարիցն ծաւալէ քեզ Ապեննին : 455  
 Լուսինն օդովք քով բերկրալիւր զգեցուցանէ յըստակ լուսով  
 Զգարեւանդըս քո եւ զբլուրըս զուարճացեալ 'ի կութս սյդեաց,  
 Եւ հովիտք ձիթաստանեօք եւ բնակաւէտ լինիւք խըռնեալ՝  
 Խուենկ յերկինս վերառաքեն բիւրս 'ի բիւրուց ծաղկանց բուրմունս :

Եւ դու նախ, Փլշորենախա, նըւադացն ունկըն գընէիր 140  
 Որ զզայրուկըս փախըստեսայ Գիբելլինն զուարթացուցին .  
 Եւ դու զտիրելի ծընօղսն իւր եւ ըզբարբառ  
 Շնորհեցեր մեզքաբուխ Կալլիփոլպեան շըրթանն այնմիկ,  
 Որ ըզՄէրըն մերկանդամ 'ի Յունաստան, մերկ եւ 'ի Հռովմ,  
 Լուսանիւթ քողով պըճ'նեալ տայր յերկնային Աստուկան զիրկս : 145  
 Այլ յաւէտ եւս երանի, զի ամիփեալ 'ի մի տաճար  
 Պահպանես զԵտալական փառս, եւ թերեւս ըզմի միայն,  
 Յորմէհեաէ անարգել Ալպլը, եւ բուռն զօրութիւն  
 Դարձադարձ մարդկեղէն բախտից 'ի զէնսդ եւ 'ի ստացուածս  
 Եւ 'ի բազմնսգ ասպատակ զնէին եւ հարց քոց 'ի գաւառ, 150  
 Եւ գողցես թէ յամենայն, քաւ 'ի նոցին յիշատակէ :  
 Զի ուր յոյս շողայ փառաց յառալիա եւ յարի միտս,  
 Անտի մեզ հանցոք հըմայս : Եկն իսկ ըստէս Վիկտորիոս  
 Ի կուճս յոյս ոգի ծըծեւ . ընդ հայրենին սըբամըտեալ գիս,  
 Թափառէր անմըռունչ յԱնտասական ամայութիւնս՝ 155  
 Պըշուցեալ կաթողին ընդ դաշտորայն եւ ընդ երկինս .  
 Եւ մինչ ոչ եւ մի տեսիլ կենսածաղիկ բուժէր զթախիծն,  
 Անողըն ասա հանգէր, մահուն գալուին 'ի գէմնն, եւ յոյս :  
 Ընդ վեհիցս յաւէժ բնակէ, մընչէն ոսկերքն հայրենեաց սէր .  
 Օ'ն եւ Օ'ն, 'ի կրօնասէր յայնմ հանգըստեան Աստուած խօսի, 160  
 Եւ ակոյեան պարսկայնոց սընուցանէր 'ի Մարաթին —  
 Ուր Աթէնք դամբարանս իւրոց քաջացն նըւիրեաց —  
 Զառաքինի զօրութիւն եւ զբարկութիւնն հելլենական :  
 Կաւալիւզն առադաստեալ ընդ այն անդունդս առ Եւբիաւ՝  
 Տեսանէր 'ի լոյնատարր աղջամրղջին՝ փայլատակունս 165  
 Թօթափեալ սաղաւարտից եւ սուսերաց ոգորելոց,  
 Եւ խարոյկըս հըառունչ գողըրշախառն ոլորտացեալ :  
 Տեսանէր եւ երեւոյթըս ազմամուր նահատակաց,  
 Զի վառեալք յերկաթակուռ զէն՝ խաղային 'ի պատերազմ՝  
 Եւ 'ի մութ սարսափելոյ գիշերային խոր լըռութեան 170  
 Ծաւալէր երկայնէր ընդ դաշտս ողջոյն գընդից գըղորդ,  
 Փողոց ձայն եւ հալածեւ երիվարաց արշաւելոյ  
 Եւ դոյթճ նոցին ոսնատրոխ զգըլսանոցօք հոգեհանաց,  
 Եւ ողբումն եւ նըւադք, ւօրհասաբէր Դըստերըն երգ :

Երանի քեզ, Հիպպոլիտ, որ 'ի տիոցդ ամբս դալար 175  
 Ընդ հողմոցն ընթանայիր լիսասհմանն իլիանութիւն .  
 Եւ թէ վարեաց ըստ Իգեան կըղզիս ըզթեւարդ նաւուղիլ,  
 Հին զըուցաց լըւար անշուշտ համբաւ յեղերս հելլեսպոնաի,  
 Եւ զգոչումն ալեաց ծովուն՝ որ տանէին յափունս Ռետեան  
 Առ ոսկրոտին Իասայ զԱբիլլիսին զնուց կազմած : 180

Արդար առ քաջազունս է մահ՝ փառաց մատակարար .  
 Ոչ հանձար խորագէտ, ոչ սէր եւ շնորհ թագաւորաց  
 Պահէին Ռթակեցւոյն ըզկողոպուտն անհրնարին .  
 Զի ալիք յորգորեալք յանդընդային աստուածու թեանց՝  
 Շրպեալ զայն շորթեցին 'ի թափառոտ լաստափայտէն :

483

Եւ զիս , զոր ժամանակք եւ պատուասեր շքոյ տրուիկք  
 Վարեն զնալ փախըտտական յօտարասեռ աղին դըրոհ ,  
 Զիս Մուսայք խրախուսիչք մահկանացու խմատու թեան՝  
 Յերեւան հրաւիրեսցեն կոչել հանել ըզդիւցազունս :

190

Նըստեալ կան պահակերք գերեզմանացն շահապետք ,  
 Եւ յորժամ ժամանակ ցըրտասառոյց թեւօք խրովք  
 Հարեալ 'ի բաց թօթափէ եւ զաւերակս անգամ անդուստ ,  
 Զանապատս ուրախ առնեն 'ի ձայն երգոյ իւրեանց Պիմուլայք ,  
 Եւ յողթէ լըու թեան հազար դարուց՝ նուազերգու թիւնն :

193

Եւ այժմիկ 'ի Տրովդա՝ յսկօսաբեկն եղեալ 'ի վար՝  
 Ճաճանչէ առ պանդուխտն յաւէժալոյս վայր մըշտընջեան  
 Ի պատճառս Յաւէրժհարսին՝ Արամազդայ հարմնացելոյն ,  
 Որ զաւակ ընծայեցոյց ըզՌարդանոս Արամազդայ ,  
 Յորմէ եղեն եւ 'ի լոյս եկին Տրոյս Վասարակոս ,  
 Եւ յիսուն սըրսկապանքն , եւ պետու թիւն Յուլեան տոհմին : 200

Զի յորժամ 'իլէկորա լըւաւ ըզձայն օրհասին դից՝  
 Որ զնա կոչէր 'ի կենածիր շնչոյ լըւոյն յՆիխեան պարս ,  
 Յետին զայս ուղերձեալ առ Արամազդ աղերս՝ ասեր .  
 Թէ քեզ սիրուն եղեն հերքս եւ դէմք եւ քաղցըր արքնու թիւնք ,  
 Եւ արիաուր ինչ պանծագոյն շներեն ինձ կամք ճակատադրաց , 205  
 Ի մեռեալ քօ սիրելիդ գէթ դու յերկնից ակնարկեսցես ,  
 Զի հրոչակ համբաւոյ մնացէ անուան քոյդ 'իլէկարեայ :  
 Մեռանէր նա յայս աղօթս , եւ Ոլիմպոս հեծեծէր .

210

Եւ զըլուին անմահական զանմահու թեան ցօղ 'ի վարսիցն  
 Ակնարկելով արկանէր զՅաւէրժական հարսին անձամբ ,  
 Եւ արար սըրբանուէր զմարմինն զայն եւ ըզչիրիմ :  
 Անդ հանգեալ Երիբլոն , նընջէ Նիեանն աճիւն արդար ,  
 Անդ կանայք Նիուհիք արձակէին ըզգէսս յաղերս ,  
 Ո՛հ , 'ի զուր , մերժել յարանցն ըզմօտալուտ օրհաս մահուն .

215

Անգանօր կասսանդրա , մինչդեռ աստուած յիւրում սըրտին  
 Տայր նըմա բարբառել զմահաշըշուկ օր Տրոյից ,  
 Եկն եհաս եւ երգեաց սիրոյ մըրմունջս առ Ուրուականն ,  
 Եւ անցեալ պարագլուխ եղբօրորդուցն՝ ուսուցանէր  
 Պատանեկացն ոլք սիրոյ , եւ զայս ասեր յօգուց ելեալ .  
 Ո՛հ , ձեզ դարձ թէ յԱրգոսէ , ուր զերիվարսն արածիցէք 220  
 ԸզՏի թեան եւ զլայերսեան որդւոյն , շնորհն երբեք Երկինք ,



Վայրապար եւ 'ի նանիր ըզհայրենիդ խնդրիցէք տուն .  
Որմունքքն գործ Փիլոսի 'նդ աւերակօքքն ծըխեսցին ,  
Այլ Թերափքն տրովականք վանրս կալցին յայս գերեզմանս .  
Զի պահել անուն պերճ 'ի տառապանս՝ է դից պարգեւ : 225  
Եւ գուք նոճք ւարմաւենիք , զոր Պրիամուն տընկեն նըւանք ,  
Եւ յայրութեան ոռոգեալ փութով յարասր , սհ , աճիցէք ,  
Լէրուք հարցրս հովանի . եւ որ գըթովք պահէ զտապար  
Ի նուիրական սաղարթուցդ՝ հասցէ նմա մի տոհմային սուգ ,  
Եւ 'ի բագին սըրբութեան ամբլծ ձեռօք լինիցի հուպ : 230  
Լէրուք հարցրս հովանի . տեսանիցէք յաւուր միում  
Ըջիցր որ մուրացիկ թափառ 'ի հին ձեր հովանիս ,  
Առ խարխափ երեբուն 'ի դամբարանսն աունել մուտ ,  
Գիրկս արկանել զտապանօքն եւ ըզնոսին հարցափորձել :  
Հէծեսցեն զանխուլ անձաւք , եւ պատմեսցէ շիրիմն ողջն 235  
Զիլինոն հարթեալ երկիցրս եւ երկիցրս յարուցեալ  
Փառօք պայծառապէս ըզլըռանխտ ճանապարհօք՝  
Ճակատագրեալ Պելեանց չըքեղ եւս յաղթանակ շնորհել վերջն :  
Ողբեալ երգովքն 'ի հաշտ սուրբ երգողն զտըրտեալ հոգին՝ 240  
Արասցէ դթագաւորսն արգիացիս յաւերժ անմահս  
Ընդ տիեզերս , զոր հայրն մեծ Ովկիանոս ընդգոգէ :  
Մնդ եւ քեղ , Հեկտոր , ողբոյ լիցի պատիւ , ուր իցէ սուրբ  
Եւ արտասուաց արժանի՝ արիւն հեղեալ վասն հայրենեաց ,  
Եւ մարդկան ցորբան 'ի վիշտսն ծագեսցէ ահն արեւուն :





## ՄԵԿՆՈՒԹԻՒՆՔ

Տող 5. Դամբ, թէ իմացին չորք եղանակք տարւոյն, և թէ քսան և չորք ժամք աւուրն, պարեւ ասին յորինաւոր կարգս ընթացից իւրեանց՝ յորս պատին բուլբին :

6. Առ նոյն ինքն Պինդեմնտ բարեկամ՝ իւր ասէ զայլ և այլ տաղից նորա, մահաւանդ վթղթոցն և զբաշտային բերթածացն :

9. Զի թող զկենցաղոյս պանդխտութիւն՝ գրեթէ միշտ նշըհհոթութամբ կոչուինքն փոսկուլայ :

19. Պատրանս կոչէ՝ ոչ հաւաստեաւ, այլ թէ և այնպէս ինչ որ համարիցի :

20—25. — 55, 54. Տորբդ և այլք զկնի աստ անդ՝ վիպեն անմահութեան հոգիւն և հատուցմանց, զոր չտեսեալ ոմանց՝ բամբասեցին զտաղդ :

22. Կեանս իմն համարի գլխատակ անցելոյ կենացն՝ զոր 'ի միտս սիրելեացն զարթուցանէ վախճանեալն :

55. Ախերոն գրժոխս ասեն բերթողք, և ակերոնեան՝ գրժոխայինն :

59. Օրէնք տէրութեան 'ի սկիզբն դարուս արդելեալ էին քաղաքաց քաղաքաց յիտալեա՝ չունել առանձինն գերեզմանատեղիս, չկանգնել մահարձանս և սեփական շիրիմս. ընդ որ գժկամակեալ ազատասէր բերթողին, և սրտմտեալ ընդ զրկանս հայրենեացն՝ երգէ զտաղդ յամի 1807 :

41. Պաշտօնեայ Թալիայի Մուսային անուանէ զՅովսէփ Պարինի՝ զանուանի բանաստեղծն լոնդոնբարտացի վասն պէսպէս քնարական երգոցն, և մանաւանդ վասն զուարճախօսիկ չքնաղ բերթուածին Օր անուանելոյ . զոր 'ի չորս մասունս արարեալ յայգ, 'ի մէջօր, յերեկ և 'ի ցայգ, կատակերգելով հենգնէ ճարտարագէտ զբարեի կամ զճաղղական բարս և վարս կենաց թեթեամիտ և անտաւոր մեծատանց . խրատ գեղեցիկ օրիորդաց և պատանեաց 'ի հակառակէն թելադրեալ :

45. Սարդենին անուցեալ 'ի Պարինեայ՝ է անթաւամ բերթուած նորին, զոր նուէր իմն համարէ Ապոլլինի դիցն բերթութեան իբրև զբարենին . իսկ պտակքն ևն պատիւ և պաշտօն Մուսային :



45. Սարգանաբաշն Լանգուարտացի, Իմա Լոնգորարտացի, և ազնուականն ճոխ, հեշտասեր և փափկակեցաց :

47. Աղղուական է այժմու Աբրահամ զեւոյն կողմանցն Լոնգորարտիոյ, զոր հինքն Աբղուա կամ Աղղուա կոչէին : Իսկ Տիկինոս է զեւո վերնակողմանցն Խասլիոյ :

51. Իմանայ զանտառակն Թմբի ծառոց՝ որ յարևելեան արուարձանին Մեղիտլանու, ուր յաճախել համարի զՊարինի :

52. Մայրենի յարկ իւր էր 'ի Չակիւն[ժոս կղզի գեղեցիկ՝ ուր ծնեալն էր . բայց ինքն գտանէր յԽտալիա, և ևս առաւել 'ի Փլորենտիա . և ապա առ ազատասէր քաղաքականութեանն վտարեալ՝ պանդխտեցաւ 'ի Հելլուետս, ապա 'ի Ռուսս, և հուսկ ուրեմն յԱնգլիա՝ 'ի Լոնդինոն :

53. Առ նա, առ Պարինի . ժամէիր, բարեկամ և նպաստամատոյց էիր քերթութեանն :

56. Յարուարձանեայ հասարակախառն գերեզմանատեղիս Մեղիտլանու :

58. Ոչ քաղաքն, բայց ապա մեծ ոմն կառոյց նմա շիրիմ գեղեցիկ կճեայ 'ի դաստակերտի իւրում :

67. Սոփոր են, մանաւանդ իտալիացիք, խաչս փայտեղէնս սեաւս կանգնել 'ի անարից գերեզմանացն :

75. Յօրէ յորմէ օրէնք և քաղաքականութիւն ուսուցին անանաբարոյ մարդկանն զգոնանալ և բարեպաշտել :

78. Հոմերոս 'ի Ժ.Վ. Ողիսականին, 369, ասէ զՈղիսեայ 'ի բերանոյ խոզարածին իւրոյ .

Գերեզման յայնժամ նրմա գործէին ընաւ արայեցիք,  
Եւ որդւոյն իւրում ըզկնի իւր փառքս մեծ առնոյր յապայս :

Եւ այս սոփորութիւն կարգեալ եկեալ էր մինչև յապա ժամանակս հռովմայեցւոց, որպէս երևի 'ի բազում արձանագրոց, զի զդամբանօքն կանգնէին և սեղանս կամ բազինս զից՝ տխրատեսակ ժապաւինօք երիզտպատս, և շուրջ զնոքօք նսճիս :

79. Կարծեցեալ թէ ոգիք առաքինեացն 'ի տունն շրջիցին 'ի պաշտպանութիւն ընտանեացն, կոչէին զնոսս ընտանի դիս կամ ուրուականս :

85. Որպէս յայտ է, յամենայն գրեթէ աշխարհս եւրոպացւոց մինչև մերձ 'ի յետին ժամանակս՝ ընդ սալայատակաւ տաճարաց թաղէին դիակունք : Որ զկնիդ գան տողք՝ մինչև ց89 բանաստեղծական երևութիւնք են հանճարոյ :

89. Քանզի ընդ վաստակոցն առնուն տուրս ինչ պաշտօնեայք աղօթիցն, զայն ասէ վարձկան աղօթս, կամ թերեւս զժառանգացն՝ յետ այնչափ ինչ ժառանգելոց :

92. Չարտասուս կոծողացն 'ի պատուական անօթս ժողովեալ՝ թաղէին ընդ վախճանեալսն, և կանթեղ մի վառեալ ընդ նոսին, թերեւս նշանակ ոգւոցն անմահութեանն :

96. Որպէս և Վիրգիլիոս երգէ զանճնասպան գշտոյնն Գիդովայ՝ Ի 690—692 տողս չորրորդ սքանչելի գրոց Կնիականին .

Չանճն երիցս ամբարձեալ ևւ յեց յարմուկն եկաց կանգուն ,  
Փլէցաւ երիցս յանկողինն , և զաչըն այսր անդըր յածեալ  
Լոյս յերկնից խընդրեաց բարձանց , և զբտեալ զայն՝ յոգւոց եհան :

400. Օրէնք էին սգաւորաց և աղաչաւորաց երթալ նստել առ սեղանօքն և գերեզմանօք , և նուիրել ոգւոց նուէրս , կաթն , գինի անապակ , արիւն և ծաղկունս , և մրմնջել զցաւս իւրեանց :

401. Ի տապանի ուրեք արձանագրեալ գտանի հելլեներէն . «Յիւղս անուշունս հօգին քո , որդեակ ։»

404. Են յԱնգլիա աւանք մեծամեծք և փոքրիկ քաղաքկեալս , ուր գերեզմանատեղիք ևեթ են հասարակաց ճեմելք ժողովրդեան . սփռեալ կան ՚ի նոսա բազում զարդարանք և յօլով զուարճութիւն զաշտային :

406. Սաքելնի ծովական անգլիացի Կելլոն կալաւ յԵգիպտոս ՚ի գալիացւոց զմեծամարմին նաւն Արիւելք անուն , և հաս զմեծ կայմն նորա և ՚ի ստուար բնոյ նորին արար իւր դագաղս , և միշտ ընդ իւր տանէր :

410. Ինչք և դողումն . ընչաւետութիւն դատարկանձանց , և ահ երկիւղին յերեսաց բանաւորութեան , որով ընդարմացեալ կան :

424. Չգամբան Կնիկոլայոսի Մաքքեաւելեայ՝ հզօր քաղաքաւարի :

428. Չտապան Միքէլանգելոսի , ճարտարապետի հրաշակաւոյց գմբեթի վատիկանեան տաճարին Հռովմայ :

430. Չգալիէոսի մեծի ընախօսի և աստեղաբաշխի , որ առաջնորդ եղև անգլիացւոյն Կեստոնի յուս մեծամեծս : Երեքեան դքս ՚ի Սուրբ Խաչ եկեղեցւոջն Փլորենտիոյ կանգնեալ կան :

434. Առ Խտալիա է երանութիւնս այս՝ առ հայրենի աշխարհ քերթողին :

435. Ազեննին լերինք են ՚ի միջագայրին Խտալիոյ մեծամեծք :

440. Կարծիք են բազում պատմագրաց , թէ անուանի քերթուածն Տանթէի փլորենտացւոյ՝ քերթողահօրն իտալացւոց , սկսեալ իցէ յառաջ քան զաքսոր նորա ՚ի քաղաքէն , վասն որոյ և անդէն ՚ի նմին Փլորենտիա առեալ սկիզբն : Իսկ Գիբելլին կոչի Տանթէ՝ վասն կուսակից և ՚ի զիսաւորացն լինելոյ ազատասիրաց ժամանակին Գիբելլին անուանելոց :

445. Կալիլոովայէ՝ Մուսայ է . կալիլոովայեան՝ մուսայական , բանաստեղծական : ՉՊետրարկայէ են բանբոգ , որ ՚ի Փլորենտացի ճնողաց էր ՚ի տարագրութեան նոցա ծնեալ և է քերթող՝ յարդարուն լեզու քան զՏանթէ . և իբր թէ զգեցուցեալ և պարկէշտացուցեալ է ՚ի տաղս իւր զՍէրն անհամեստ :

445. Հինքն ևս զանազանէին երկուս Աստղիկս . մի՛ երկրաւոր և զգայական , և միւս՝ երկնային և հոգեւոր , որոց և պաշտամունք և բուրմբ էին այլ և այլ : Կիկերոն չորս Աստղիկս ճանաչէ , յորոց մին նոյնպէս երկնաւոր , դուստր Երկնի և Տուրնջեան . այլ զմիւս երկնս ՚ի մի ամբողիկն այլք :

146. Ի Սուրբ Խաչ եկեղեցւոջն Փլորենտիոյ, որպէս կանխեցաք ասացաք 'ի թիւն 150 :

148. Աւելիք են լալեան լերինք բարձրաբերձք, իրբև պատուար կանգնեալք ընդդէմ հեւսիսական հինից :

155. Հմայս, այսինքն բարեաց ըղձութիւնս կամ գուշակութիւնս, քաջալուրութիւնս 'ի սէր հայրենեաց : — Իսկ Վիկտորիոս է Աւլիիէրի, քերթող ողբերգակ հռչակաւոր . և սրամտեալ ասէ զնա ընդ հայրենի դիսն, զի անչափ հայրենասիրութեամբն էր այր անհանդարտ և միշտ տժգոհ և անհանդիստ ընդ բախտ հայրենի աշխարհին . և որպէս նկարագրեալդ է՝ այնպէս վկայէ քերթողս տեսեալ զնա 'ի վերջին ամս կենաց նորա : Եւ սորա դամբան կայ 'ի Սուրբ Խաչ Փլորենտիոյ ընդ այլ մեծան, յորոց կճեայ տապանսն գնայր 'ի կենդանութեանն՝ վառել զտիրա իւր և զհանձար : Ի վերայ շիրմին իւրոյ արձանագրեալ կայ, թէ Աստուրեմն հանդեաւ Աւլիիէրի :

155. Առնոս՝ գետ է Տոսկեան աշխարհին Իտալիոյ, և Փլորենտիայ :

160. Սատուած իմանայ զՈգի հայրենեաց և զազգասիրութիւն, դաստուածային առարբնութիւնսն :

161. « Ի Մարաթոնեան դաշտին, ասէ Պաւսանիաս հելլէն պատմիչ, են գերեզմանք աթենացւոցն անկեղց 'ի մարտին . և զամենայն զիշերս լնել լինին անդ խրթինջք ձիոց, և երևութանան ցնորք պատերազմողաց » : — Եւրիա կղզին մեծ կայ հանդէպ ծովեզերն յոր ել թափեցաւ Դարեհ արքայ Պարսից յայնմ պատերազմի :

174. Դատերս Օրհասին իմա զՊարկայսն ասացելալս . զորոց ասի թէ երգելով կանխաձայնէին զվեճակ մարդկան՝ զճննդեան և զմահոն :

177. Էգեան կղզիք են ծովուն Յունաց որ Արշիպելագոսն կոչի այժմ :

178. Առ տրովական ավամբք Հելլեսպոնտոսի էին դամբանք Արիլլեայ և Պատրոկլի, և այլոց անկեղց դանայեցւոց :

179. Զրուցէ Պաւսանիաս, թէ « Վազանն Աքիլլեայ շաղախեալ արեամբն Հեկտորի՝ անիրաւ դատովճաւ պարգեւեցաւ Ոգիսեայ ( իթակեցւոյ) . բայց ծովն յափշտակեաց զայն 'ի նաւարեկութեան նորա, և առեալ տարաւ 'ի լիւդ՝ ոչ յիթակէ, այլ 'ի գերեզմանն Էլասայ (սալամինացւոյ) . և այնպէս յանդիմանեալ զանիրաւ դատաստանն զանայեցւոց՝ հատոյց Սալամինոյ զփառսն որ նմին անկ էր : Լուեալ եմ թէ այս համբաւ զինուց ծովանցիկ եղևոց մինչև 'ի դամբան Տելամոնեանն Էլասայ՝ զօրացեալ էր առ Էլոլացիսն, որ յսպա ժամանակս ընակեցին յիլիոն » : — Ուետեան սարաւանդն՝ կարկառեալ 'ի Բոսպորն թրակեան՝ առուանի է առ ամենայն հինսն 'ի պատճառս դամբանին Էլասայ :

195. Պիմալլոյք, Մուսայք . 'ի Պիմալլա լեռնէն կամ 'ի Պիմալլէս աղբերէն՝ նուիրելոց Մուսայից :

195. Ի Տրովադա՝ որ այժմ մշակեալ դաշտորայ է, արդի ճանապարհորդք դԷտին, կամ գտեալ կարծեցան, զմնացորդս գերեզմանին իլոսի՝ միոյն 'ի նախահարց դարդանացւոց, որ է տրովադացւոց :

197. Յաւերթահարսին Էլեկտրայ՝ գտներն Ասլւսայ : Ի մէջ բազմադէմ՝ դրուցաց ազգաբանութեան դարդանացոց՝ գտանի և այդ, ընկալեալ և ՚ի Վերդիւեայ և յՈվկիտս :

200. Յիսուն առագաստքն են յինից ուստերացն և նուանցն Պրիամոսի արքային Տրովադայ, յիշատակեալք ՚ի Հոմերոսէ . ( Իւ . 9 . 244 ) : Ի Գարդանեան Աստրակոսէ՝ յորդոյ Տրովայ՝ սերեցաւ Էնիաս նախահայր Հոովմայեցոց, յորմէ Յուլոս որդին, և ՚ի սմանէ Յուլեան ազգ և ցեղ Յուլիոսի Կեսարու :

212. Այս Երիբլոնն էր ուստր Գարդանոսի՝ արքայ Տրոյիայ . Իսկ Իլոս՝ ուստր Տրովայ որդւոյ Երիբլոննի՝ նոյնպէս արքայ Տրոյիոյ, յիշատակեալ Իբրև այր արդար, յորոյ անուն և քաղաքն կուէր Իլին կամ Իլոս : — Առ նոցա շիրմօքն կանայք տրովադացիք յԻլիական պատերազմին վասն արանցն պաղատանս մատուցանէին Հերարձակք ՚ի նշան սգոյ . զի այս սովորութիւն էր ազգացն ՚ի յուրկաւորութիւնս և ՚ի զոհս մեռելոցն :

215. Կասանդրա, որ և Ալեքսանդրա, զեղեցկագոյնն ՚ի գտներն Պրիամու և Հեկարեայ՝ Իբրև զԱստղիկ, մարգարէութիւն Համարեալ, յԱպոլոնէ առեալ զշնորհսն . որ ապա ցատուցեալ ընդ բմբուսութիւն նորա, և չմարթացեալ Հանել Ինմանէ զպարգանս, արար զի ոչ ոք հաւատասցէ մարգարէութեանց նորա :

220. Արածել զձիս՝ է գործ ծառայութեան և ստրկութեան գերեաց :

221. Զձիս Իիոմեզեսի որդւոյն Տիդեայ, և զՈվիտեայ ուստերն Լայերոսի, գոռահատակացն և Խոյենից ընդդէմ արովանց :

225. Զի Փիրոս կամ Գուշակն Ապոլոն ընդ Պոսիդոնի՝ հիմնարկեալ շինեցին գրաղաքն Տրոյա :

250. Հպիլ ՚ի բազին, կամ որ նոյն է՝ ՚ի սեղան աստուածոց, գործ բարեպաշտութեան յաղօթս, ՚ի զոհս և յերդումն :

252. Կոյրդ այդ մուրիկ՝ է Հոմերոս . ընդ աշխարհ համբռն ընդ գիտնական ծանօթ է աղբատութիւն և կուրութիւն մեծի քերթողահօրն ամենայն ազգաց . այլ որ զնա ՚ի ճնէ կոյր ասացին, նորա ինքեանք են կոյրք, որպէս կնքեաց ոմն :

256. Մի անգամ ՚ի Հերակլեայ յատակեալ, և երկրորդ՝ ՚ի Միասոնեացն Ամազոնաց :

258. Պելեանց կամ Պելիսեանց, Արիլեայ և որդւոյ նորա Պիւռոսի պահեալ էր ՚ի ճակատագրէն վերջին աւեր և բնաջինջ բարձունջ Իլիոնի :

240. Արդիացի թագաւորքն են իշխանք Հելլենաստանի, որ տաննամայ ճրգամք յաղթեցին տրովացոց, և մինչև ցայսօր հռչակին ընդ աշխարհ ՚ի Հոմերոսէ :

242. Ովկիանոս հայր համարեալ գետոց և ջրոց, ուստի և ամենայն ծննդոց երկրի . զի առանց խոնաւութեան չիք սերունդ, և թալէս սկիզբն և տարր ամենայնի դնէր զջուր . և Պինդարոս երգէ . Վէհագոյն է ջուր :









ՀՀ Ազգային գրադարան



NL0343284

